

МБОУ «Ивансолинская основная общеобразовательная школа»

Шорыкйол кечын

(сценарий для учащихся начальных классов)

Автор: Каменщикова Нина
Ивановна, учитель начальных
классов

2012 ий

Шорыкйол кечын

(сценарий)

Модшо-влак: Анук, Анукын аваже, йоча-влак.

Ялысе порт. Анукын аваже устел дене мелнам куэшт шога. Анукым кычкыра.

Анукын аваже: «Анук, удырем, кидет, шургет муш да тол устел дек, шокшо мелнам кочкина. Таче Шорыкйол пурен, лумынак мелнам куэштынам. (Окнаш ончалеш). Уна йолташ-шамычет эр годсек пакчаштышт лум орам чумыркалат. Меат лектына вара».

Анук: « Чынак веет. Таче пакчаште кунар шуко лум орам ыштет, тунар шуко кинде шочеш, манеш ыле ковам. Ой, авай, ойлаш мондышым. Мый таче пеш онай омым ужынам. Ик кочай, шонем, мыланем туштым ышта. А туштылан вашмутым, манеш, коватын шондыкыштыжо муат. Туштыжымат шарнем.»

Анукын аваже: «Онай, онай. Чынак. Вара могай туштыжым туштыш? Коватын шондыкшо тевак шинча, айда ончалына». (Коктынат шондык воктеке толыт)

Анук: «Теве иктыже: «Чондымо чонаным нелеш»

Анукын аваже: (Вургемым лукшыжла) «Мый тиде туштым палем, а тый паллет уке? Ончал, мо шотлан толеш. Тиде огыл? (тувырым ончыкта)

Анук: «Чынак веет, тувыр. Вес туштыжо тыгай: «Вута шенгелне йошкар солык кеча.» Но тидыжым ом пале.

Анукын аваже (шымакшым луктеш да упшалеш) Тиде, удырем, шымакш лиеш. Ожно удырамаш-влак чыланат шымакшым упшалыныт. Тиде коватын шымакшыже.

Анук: «Эше вес тушто: « Кыдал йырем шонанпыл.» Тиде иктаж-могай ушто докан. Айда ончалына.

Анукын аваже: «Айда. Мо уло шотлан толшо?»

Анук: «Теве тиде докан, ужат могай мотор ушто. (ола потам луктеш) А тиде туштыжо мо лиеш? «Йыр-йыр йыргештен, покшелныже чывыштен. Ок йу, ок коч, шкеже койышланыкта.»

Анукын аваже: «Тиде теве шыркама маналтеш, весыже—шийдарман».

Анук: «Эше ик тушто. Тудо пытартыш: «Вудшо йога, колжо модеш , почешыже ий кылмен толеш.»

Анукын аваже: (вынер вудылкам луктеш) « Теве туштет—тиде ий манмыже, а туштыжо вынер куымаш маналтеш».

Тиде жапыште рвезе-шамыч портыш шурген пурат.

Йоча- влак: «Кутыреда? Пайремда пиалан лийже.»

Анукын аваже: «Ой, уна-шамыч толынытыс, пурыза. Толшо уна шулыкан лийже.

Ик удыр: « Ме Анук деке модаш толын улына , тенгече модаш куштен да.»

Анукын аваже: « Йора, йора модса. Могай иодыш дене вара моднеда?»

Ик удыр: «Куштымым шуктен модына. Мый оза лиям. Мыйын воктенем кок куштышо лийыт. Нуно лум дене мыланем йышт ойлат—ком куштат. Мый нуным толаш да кидым пуаш йодам. Чын кидым пуат гын—нунылан куштымым шукташ кулеш. Ну, туналына. (йоча-влак модвш туналыт)

Вес йоча: « Айста ынде Васлий-куав-кугыза лийына, мемнан дене чиена, йора?»

Йоча-влак: «Йора,йора. (Анукым аваж деч колташ йодыт)

Анукын аваже: «Мо, айда кайыже. Меат изи годым тыгак модын коштына ыле. А портыш пуремыда годым мом ойлышышым паледа? Кузе манман?

Йоча-влак: «Чылажым огына пале.

Анукын аваже: «Портыш пуредат гын, озаже деч могай кидпашам ыштен, йодса, пашачым мокталтыза, йолагайым шылталыза».

Ик рвезе: «Гармоньжо мемнан уке.

Анукын аваже: «А тыгай годым умша гармонь полша. Лу-коло-кумло-нылле мурым паледа?

Йоча-влак: «Палена».

Анукын аваже: «Вот тыланда и гармонь». (чылан мурат-куштат, вара лектын каят)

Анукын аваже: «Сайын коштса. Пеш шукак ида шого, таче йушто, кылмен кертыда.